



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1661.

urn:nbn:de:hbz:466:1-29436

Venetis contra Turcas, infeliciter ab iis tentata Canea, Nigropons, & Cythera; caesi insuper & fugati ad Candiam.

Ragozius in pugna ad Hermanstadium quatuor lethalibus plagis sauciatus Varadini moritur, Varadinum à Turcis occupatur.

Moschi semel iterumque à Polonis gravissimè caesi ad petendam pacem adiguntur, quam tamen impetrare nequeunt.

Moritur Carolus Gustavus Rex Sueciæ. Christina frustra ab Ordinibus ad repetenda gubernacula regni, & ejurandam fidem Catholicam invitatur.

Novis tremis motibus Calabria; Vesuvius flammam, lapides ignitos, & cineres evomit.

ANNUS 1661.

Romæ Alexander VII. ad pias preces Regis Catholici peculiarem constitutionem edit in favorem propugnantium Dei parentem in primo conceptionis instanti à labe origiuis præservatam, pæna scq; fulminat in eos, qui sententiam tam piam quoquo modo vellicare ausint.

Rex Angliæ coronatur Westmonasterii mense Majo; firmat nuptias cum Catharina sorore Regis Lusitaniæ indignante & fremente

fremente Hispano : Permissi Catharinæ ad obsequia 10 Religiosi, decretumque, tollenda Elisabethæ edicta contra Catholicos, & permittendam libertatem religionis. Vetus ab eodem, si vera scribit Ricciolus Italicus, esus carnis feria 6, & 7. lancitum etiam jejunium Quadragesimæ; Jesuitæ tamen Parlamenti edicto toto regno exulare jussi: In Scotia mense Junio quidam nobiles læsæ Majestatis rei supplicio ultimo affecti.

Dux Montecuculus missus subsidio laboranti Janosio Kiminio Principi Transylvaniae contra Turcas, eorumque Clientem Abassium invasorem Transylvaniae, pugnam commissam ad Camblium eosdem cum Tartaris grandi clade prosternit. 15000. partim in captivitatem abstracta. Aucta Turcarum clades in Bosnia à Comite Nicolao Zrinio Hungaro, viro forti & bellico nec nihil passi sunt à Venetis, qui juncti Melitenibus in portu Insulae Chii 33. triremes Turcicas occiso Bassa Mazzamamâ in cineres redegerunt.

Moschi hoc anno pene cladibus consumpti, hinc à Tartaris, illinc à Polonis, in quorum potestatem rediit Vilna.

Regi Hispaniarum natus est Infans dictus

Stus postea Carolus II. Regi Franciæ Delphinus; si per fata liceat, dicendus, Ludovicus XV. Parisiis atrox incendium aspectu sanctissimæ Eucharistiæ derepente reprimi-
tur.

Rex Daniæ suppressa authoritatē Nobilium potestatem illimitatam in regno exercere incipit.

ANNUS 1662.

Romæ gravis exorta dissensio inter Pontificios, & Ducem Crequium Regis Christianissimi legatum ob occisum à milite Corso Bertoum famulum Ducissæ Crequianæ. Crequius plenus ira & minis discessit Roma. Pontificius vicissim legatus remissus ex Francia 30 stipatus militibus ad pontem usque Bellovacensem.

Frustrà tentatur compositio rei Transylvaniæ & pacis claudicantis inter Cæsarem & Turcas instauratio. Unde illico à Turcis Claudiopolis cincta obsidio, quod tamen brevi cum magna clade Turcarum à Cæsarianis sublatum.

Comites Zrini Nicolaus & Petrus pergunt esse infesti Turcis, excitato in hunc finem novo fortalitio quod dictum Zrinwarium.